

**UORDEN DA SCOULA**  
dal  
**Cumün da Valsot**



Sün basa da l'art. 20 da la ledscha da las scoulas popularas dal chantun Grischun (ledscha da scoula) dals 21 marz 2012

Relaschè dal cumün da Valsot als xx.xx.xxxx

## I. Disposiziuns generalas

### Art. 1

<sup>1</sup> La scoula „Valsot“ maina ils seguaints nivels da scoula: Nivels da scoula

- a) Nivel da scoulina
- b) Nivel da scoula primara
- c) Nivel da scoula secundara I

<sup>2</sup> Per uffants da lingua estra esa obligatoric da frequentar la scouli-  
na.

### Art. 2

L'oblig d'ir a scoula, il lö da scoula e la gratuità as drizzan davo la  
ledscha chantunala.

Oblig d'ir a scoula, lö da  
scoula, gratuità (*Unent-  
geltlichkeit*)

### Art. 3

Pel nivel da scoulina e da scoula primara garantischa la scoula  
„Valsot“ las uras da bloc sco chi sun prescrittas dal chantun.

Uras da bloc

### Art. 4

La scoula „Valsot“ spordscha tenor bsögn ulteriuras structuradas da  
di.

Structuradas da di

### Art. 5

Tenor bsögn vegnan concessas spüertas specialas per scolaras e  
scolars cun duns specials.

Spüertas supplementaras

## **Art. 6**

La scoula „Valsot“ es respunsabel per l'ordinaziun e la realisaziun da masûras simplas da pedagogia speciala.

Masûras simplas da pedagogia speciala

## **Art. 7**

Il gûdicat, la promoziun e l'admissiun da scolaras e scolars succeda tenor il dret chantunal.

Gûdicat, promoziun ed admissiun

## **II. Persunas d'instrucziun**

### **Art. 8**

<sup>1</sup> Las personas d'instrucziun sun impiegadas dal cumün politic Valsot.

Relaziun d'ingaschamaint

<sup>2</sup> La relaziun d'ingaschamaint da las personas d'instrucziun vain argumantada resguardond la legislaziun chantunala cun ün contrat da dret public.

## **III. Il mainascoula**

### **Art. 9**

La scoula „Valsot“ impieghescha ün/üna mainascoula.

Mainascoula

## **IV. Il cussagl da scoula**

### **Art. 10**

<sup>1</sup> Il cussagl da scoula vain manà da la presidenta / dal president dal cussagl da scoula. Ultra da quai as constituischa el svesa.

Organisaziun

<sup>2</sup> Il cussagl da scoula vain clomà insembel dal president resp. da la presidenta uschè suvent, sco quai cha las fatschendas pretendan, opür sch'ün commember/üna commembra pretenda quai.

<sup>3</sup> A las sezzüdas dal cussagl da scoula pon tenor bsögn gnir invidadas ulteriuras personas cun vusch consultativa.

<sup>4</sup> Sur da las trattativas ha da gnir manà ün protocol.

## Art. 11

Il cussagl da scoula es abel da decider schi sun preschaints daplù co la mità dals commembers / da las commembras.

Cumpetenzas da decider

## Art. 12

<sup>1</sup> Il cussagl da scoula maina e survaglia la scoula ed executescha la legislaziun cumünala e chantunala da scoula. El accumulaischa tuot ils dovairs da la scoula chi nu sun confidats ad ün'otra autorità o instanza tras uordens chantunals o cumünals.

Dovairs e cumpetenzas

<sup>2</sup> Ad el suottastan surtuot:

1. Decisiun sur d'ün'antecipaziun resp. d'üna suspaisa da l'entrada d'ün uffant i'l nivel da la scouline e da la scoula primara;
2. Decisiun da cuntinuar l'on da scoula in üna classa inferiura i'l cas ch'ün uffant es surdumandà;
3. Decisiun regard sursagrir üna classa;
4. Decisiun regard sportas supplementarias per uffants da lingua estra;
5. Decisiun regard ordinaziun o finischun da masüras simplas da pedagogia speciala;
6. Decisiun regard l'exclusiun d'ün uffant d'ürant il temp da scoula obligatoric;
7. Decisiun regard ün licenzchamaint anticipà d'ün uffant, il plü bod davo ot ons da scoula obligatorics;
8. Decisiun davart il frequentar ulteriurs ons da scoula davo avair accumulì il temp da scoula obligatoric;
9. Decisiun regard l'exclusiun da la scoula d'ürant la frequentaziun da scoula davo il temp da scoula obligatoric;
10. Decisiun regard l'admissiun d'ün uffant d'ün'oter portader da scoula sco eir sur da la taxa da scoula;
11. Relaschar ün reglamaint d'absenzas e da congedis;
12. Relaschar ün uorden disciplinar;
13. Relaschar ün quadern da lezchas pel mainascoula;
14. Chastits regard cuntravenziuns da l'art. 68 da la ledscha chantunala da scoula;
15. Elecziun d'ün meidi e d'ün daintist / d'üna daintista da scoula.

## Art. 13

<sup>1</sup> Il president / la presidenta dal cussagl da scoula rapreschainta il cussagl da scoula vers l'extern, prepara las fatschendas dal cussagl da scoula e pissera per l'execuziun da las decisiuns chi sun gnüdas trattas.

Presidi

<sup>2</sup> In cas urgients chi pertoccan il chomp da cumpetenzas dal cus-

sagl da scoula tira el/ella las masüras necessarias. Tenor pussi-  
bilità decida il cussagl da scoula definitivamaing in chosa in sia  
prosma sezzüda.

## V. Chüra da giurisdicziun (Rechtspflege)

### Art. 14

<sup>1</sup> Cunter disposiziuns e decisiuns da las personas d'instrucziun, dal  
mainascoula e da la presidenta / dal president dal cussagl da  
scoula in fatschendas da scoula as poja far recuors infra 10 dis  
pro'l cussagl da scoula.

Via da dret

<sup>2</sup> Cunter disposiziuns e decisiuns dal cussagl da scoula in  
fatschendas da scoula as poja far recuors infra 10 dis pro'l depar-  
tamaint d'educaziun, cultura ed ambient dal chantun Grischun,  
premiss cha la ledscha chantunala da scoula nu dispuona otram-  
maing.

<sup>3</sup> Cunter decisiuns d'assegnaziun negativas e disposiziuns regard  
na promoziun resp. promoziun as poja far recuors infra 10 dis pro  
l'uffizi per scoula e sport dal chantun Grischun. L'uffizi po preverer  
ün proceder special regard il güdicat d'admissiun tenor protesta  
(Einsprachebeurteilung).

## VI. Disposiziuns finalas

### Art. 15

Quist uorden da scoula aintra in vigur davo esser gnü approvà als  
11.12.14.....dal departamaint d'educaziun dal chantun Grischun

Entrada in vigur

Approvà da las suprastanza cumünal da Valsot illa sezzüda dals  
01.12.2014

Ramosch, 01.12.14

il capo:

.....  
Victor Peer

CUMÜN DA VALSOT



l'actuar:

.....  
Georg Luzzi

Approvà dal departament d'educaziun, cultura e protecziun da l'ambient tenor  
disposiziun dal departament dals 11.12.2014

Il schef:

.....  
*Martin*